

## **CYNGOR BWRDEISTREF SIROL CAERFFILI**

### **ATODLEN TALIADAU CYDNABYDDIAETH YR AELODAU 2020/2021**

Gwneir y Cynllun hwn o dan Fesur Llywodraeth Leol (Cymru) 2011 o ran Rheoliadau Panel Annibynnol Cymru ar Gydabyddiaeth Ariannol sy'n berthnasol i daliadau a wneir i aelodau ac aelodau cyfetholedig awdurdodau lleol.

#### **1. Cyflog Sylfaenol**

- 1.1 Rhaid talu Cyflog Sylfaenol i bob Aelod etholedig o'r Awdurdod.
- 1.2 Yn unol â'r Rheoliadau, rhaid adolygu cyfradd y Cyflog Sylfaenol yn flynyddol fel y'i pennir gan Banel Annibynnol Cymru ar Gydabyddiaeth Ariannol.
- 1.3 Pan fydd tymor swydd Aelod yn dechrau neu'n dod i ben heblaw ar ddechrau neu ddiwedd blwyddyn, bydd ei hawl i'r Cyflog Sylfaenol yn pro-rata.
- 1.4 Ni fydd mwy nag un Cyflog Sylfaenol yn daladwy i Aelod o'r Awdurdod.

#### **2. Uwch Gyflogau a Chyflogau Dinesig**

- 2.1 Bydd Aelodau sy'n llenwi swyddi penodol yn cael Uwch Gyflog fel y nodir yn **Atodlen 1**.
- 2.2 Yn unol â'r Rheoliadau, rhaid adolygu cyfraddau Uwch Gyflogau a Chyflogau Dinesig yn flynyddol fel y'i pennir gan Adroddiad Blynyddol neu Atodol Panel Annibynnol Cymru ar Gydabyddiaeth Ariannol.
- 2.3 Dim ond un Uwch Gyflog neu Gyflog Dinesig sy'n daladwy i Aelod o'r Awdurdod.
- 2.4 Ni ellir talu Uwch Gyflog a Chyflog Dinesig i Aelod o'r Awdurdod.
- 2.5 Telir yr holl Uwch Gyflogau a Chyflogau Dinesig yn cynnwys Cyflog Sylfaenol.
- 2.6 Efallai na fydd Uwch Gyflog yn cael ei dalu i fwy na nifer yr aelodau a bennir gan Banel Annibynnol Cymru ar Gydabyddiaeth Ariannol yn ei Adroddiad Blynyddol ac na all fod yn fwy na 50 y cant o gyfanswm aelodaeth yr awdurdod, ac eithrio i gynnwys deilydd swydd Uwch Gyflog dros dro i lenwi bwlch dros dro oherwydd absenoldeb teuluol y deiliad swydd penodedig.
- 2.7 Ni all Aelod o'r Awdurdod sy'n derbyn Uwch Gyflog Band 1 (Arweinydd/Dirprwy Arweinydd) neu Fand 2 (Aelod Cabinet) dderbyn cyflog gan unrhyw Awdurdod Parc Cenedlaethol nac Awdurdod Tân ac Achub y cafodd ei benodi iddo. Bydd yn parhau i fod yn gymwys i hawlio costau teithio a chynhaliaeth ac ad-daliad costau gofal.
- 2.8 Pan fydd tymor Uwch Gyflog neu Gyflog Dinesig Aelod yn dechrau neu'n dod i ben heblaw ar ddechrau neu ddiwedd blwyddyn, bydd ei hawl i'r Cyflog yn pro-rata.

#### **3. Dewis ymwrthod â'r hawl i lwfans**

- 3.1 Gall Aelod, drwy hysbysiad ysgrifenedig a gyflwynir i Swyddog Priodol yr awdurdod, ddewis yn bersonol i ymwrthod ag unrhyw ran o'i hawl i unrhyw gyflog, lwfans neu ffi sy'n daladwy o dan y Cynllun hwn o'r dyddiad a nodir yn yr hysbysiad.

#### **4. Gwaharddiad Aelod**

- 4.1 Pan fo Aelod o'r Awdurdod yn cael ei wahardd neu ei wahardd yn rhannol o'i gyfrifoldebau neu ddyletswyddau fel Aelod o'r Awdurdod yn unol â Rhan III o Ddeddf Llywodraeth Leol

2000 (Ymddygiad Aelodau), neu reoliadau a wneir o dan y Ddeddf, mae'r rhan o'r Cyflog Sylfaenol sy'n daladwy iddo dros y cyfnod y caiff ei atal yn cael ei dynnu gan yr Awdurdod (Adran 155 (1) o'r Mesur).

- 4.2 Pan fo Aelod sy'n derbyn Uwch Gyflog yn cael ei wahardd neu ei wahardd yn rhannol rhag bod yn Aelod o'r Awdurdod yn unol â Rhan III o Ddeddf Llywodraeth Leol 2000 (Ymddygiad Aelodau), neu reoliadau a wneir o dan y Ddeddf, ni all yr Awdurdod wneud taliadau Uwch Gyflog yr Aelod am gyfnod y gwaharddiad (Adran 155 (1) o'r Mesur). Os yw'r gwaharddiad rhannol yn ymwneud ag elfen gyfrifoldebau'r cyflog yn benodol, gall yr Aelod gadw'r Cyflog Sylfaenol.

## 5. Ad-dalu cyflogau, lwfansau neu ffioedd

- 5.1 Pan fo unrhyw gyflog, lwfans neu ffi wedi'i dalu i Aelod o'r Awdurdod neu Aelod Cyfetholedig o fewn unrhyw gyfnod y mae'r Aelod dan sylw:

- (a) yn waharddedig neu'n waharddedig yn rhannol o ddyletswyddau neu gyfrifoldebau'r Aelod/Aelod Cyfetholedig hwnnw yn ôl Rhan 3 o Ddeddf 2000 neu reoliadau dan y Ddeddf honno;
- (b) yn peidio â bod yn Aelod neu Aelod Cyfetholedig o'r Awdurdod; neu
- (c) heb yr hawl i dderbyn cyflog, lwfans neu ffi yn y cyfnod hwnnw mewn unrhyw ffordd arall,

bydd yr Awdurdod yn gofyn bod y rhan o'r lwfans sy'n ymwneud â'r cyfnod hwnnw yn cael ei ad-dalu.

## 6. Taliadau

- 6.1 Bydd pob lwfans yn cael ei dalu gan Reolwr y Gyflogres drwy randaliadau cyfwerth ag un rhan o ddeuddeg o hawliau blynyddol yr Aelod ar 15<sup>fed</sup> diwrnod pob mis.
- 6.2 Pan fydd y taliad wedi arwain at Aelod yn derbyn mwy na'i hawl i gyflogau, lwfansau neu ffioedd, bydd yr Awdurdod yn mynnu bod y rhan honno sy'n ordaliad yn cael ei ad-dalu.
- 6.3 Mae pob taliad yn ddarostynedig i'r didyniadau treth ac Yswiriant Cenedlaethol priodol.

## 7. Ad-dalu Costau Gofal

- 7.1 Mae ad-daliadau costau gofal yn cael eu talu i Aelod neu Aelod Cyfetholedig, sydd â chyfrifoldeb gofalu am blant neu oedolion dibynnol, neu ofynion gofal personol, ar yr amod bod yr Aelod yn mynd i gostau oherwydd darpariaeth y gofal wrth ymgymryd â dyletswyddau 'cymeradwyedig' y cyngor.
- 7.2 Mae ad-daliadau costau gofal yn berthnasol i blant 15 oed neu'n iau a phobl eraill y gall yr Aelod neu Aelod Cyfetholedig ddangos sydd angen gofal. Os oes gan Aelod neu Aelod Cyfetholedig fwy nag un person dibynnol, gall yr Aelod hawlio mwy nag un lwfans, os gall yr Aelod ddangos angen i wneud trefniadau gofal gwahanol.
- 7.3 Gall Aelodau cymwys hawlio ad-daliad costau gofal am gostau gwirioneddol a chostau â derbynneb hyd at uchafswm nad yw'n fwy na'r swm a benderfynir arno gan Banel Annibynnol Cymru ar Gydnyddiaeth Ariannol a nodir yn **Atodiad 1**. Dylai pob hawliad am ad-daliadau costau gofal gael ei wneud yn ysgrifenedig at Wasanaethau Democraidaidd gyda manylion amser, dyddiadau a rhesymau dros y cais. Mae angen derbynebaw ar gyfer trefniadau gofal ffurfiol ac anffurfiol.

## 8. Absenoldeb Teuluol

- 8.1 Mae gan Aelodau'r hawl dan ddarpariaethau Rheoliadau Absenoldeb Teuluol ar gyfer Aelodau Awdurdodau Lleol (Cymru) 2013 am gyfnod o absenoldeb teuluol, ac yn ystod hynny, os ydynt yn bodloni'r amodau rhagnodedig, mae ganddynt yr hawl i fod yn absennol o gyfarfodydd yr awdurdod.
- 8.2 Wrth gymryd absenoldebau teuluol, mae gan Aelodau'r hawl i gadw cyflog sylfaenol yn annibynnol ar eu cofnod presenoldeb yn syth cyn dechrau'r absenoldeb teuluol.
- 8.3 Os bydd deiliad uwch gyflog yn gymwys i gael absenoldeb teuluol, bydd yn gallu parhau i dderbyn yr uwch gyflog yn ystod cyfnod yr absenoldeb.
- 8.4 Os yw'r awdurdod yn cytuno ei bod yn angenrheidiol i benodi dirprwy i ymdrin ag absenoldeb teuluol deiliad uwch gyflog, bydd yr Aelod sy'n dirprwyo yn gymwys os yw'r awdurdod felly'n penderfynu talu uwch gyflog.
- 8.5 Os yw'r dirprwyad am dâl yn arwain at yr awdurdod yn mynd y tu hwnt i'w uchafswm o uwch gyflogau, caniateir ychwanegu at yr uchafswm yn ystod y dirprwyad.

## 9. Taliadau Aelodau Cyfetholedig

- 9.1 Mae ffioedd dyddiol Aelodau Cyfetholedig (gyda darpariaeth am daliadau hanner diwrnod) yn cael eu talu i Aelodau Cyfetholedig, os ydynt yn Aelodau Cyfetholedig statudol â hawliau pleidleisio.
- 9.2 Caiff taliadau cyfetholedig eu capio ar uchafswm cyfwerth â **10** diwrnod llawn y flwyddyn i bob pwyllgor y mae'r unigolyn yn cael ei gyfethol iddo.
- 9.3 Bydd taliadau'n rhoi sylw i amser teithio i leoliad y cyfarfod ac yn ôl, amser rhesymol ar gyfer paratoi cyn cyfarfod a hyd y cyfarfod (hyd at uchafswm y gyfradd ddyddiol).
- 9.4 Dynodir y canlynol fel "swyddog priodol" a byddant yn pennu amser paratoi, amser teithio a hyd y cyfarfod, telir y ffi ar sail y penderfyniad hwn.
  - Y Swyddog Monitro o ran aelodau Cyfetholedig sy'n gwasanaethu ar y Pwyllgor Safonau.
  - Y Rheolwr Archwilio Mewnol o ran aelodau Cyfetholedig sy'n gwasanaethu ar y Pwyllgor Archwilio.
  - Pennaeth y Gwasanaethau Democrataidd o ran aelodau Cyfetholedig sy'n gwasanaethu ar y Pwyllgor Craffu Addysg am Oes.
- 9.5 Gall y swyddogion priodol bennu ymlaen llaw a yw cyfarfod wedi'i raglennu am ddiwrnod llawn a bydd y ffi yn cael ei thalu ar sail y penderfyniad hwn hyd yn oed os bydd y cyfarfod yn gorffen cyn i bedair awr fynd heibio.
- 9.6 Diffinnir cyfarfod hanner dydd fel hyd at 4 awr.
- 9.7 Diffinnir cyfarfod diwrnod llawn fel dros 4 awr.
- 9.8 Mae'r ffi ddyddiol a hanner diwrnod i Gadeiryddion y Pwyllgor Safonau a'r Pwyllgor Archwilio, fel y penderfynir gan Banel Annibynnol Cymru ar Gydabyddiaeth Ariannol, wedi'i nodi yn **Atodlen 1**.
- 9.9 Mae'r ffi ddyddiol a hanner diwrnod i Aelodau Cyfetholedig statudol â hawliau pleidleisio eraill, fel y penderfynir gan Banel Annibynnol Cymru ar Gydabyddiaeth Ariannol, wedi'i nodi yn **Atodlen 1**.

## **10. Lwfansau Teithio a Chynhaliaeth**

### **10.1 Egwyddorion Cyffredinol**

- 10.2 Mae gan Aelodau ac Aelodau Cyfetholedig yr hawl i geisio am gostau teithio wrth deithio ar fusnes yr Awdurdod am 'ddyletswyddau cymeradwyedig', fel y nodir yn **Atodlen 2**. Wrth i Aelodau deithio ar fusnes yr Awdurdod, disgwylir iddynt deithio yn y ffordd fwyaf cost-effeithiol. Wrth asesu effeithiolrwydd y gost, bydd amser y daith yn cael ei ystyried. Gall hawliad Aelod nad yw'n teithio yn y modd fwyaf cost-effeithiol gael ei ostwng gan y swm priodol.
- 10.3 Lle bo'n bosib, dylai Aelodau rannu trafndiaeth.
- 10.4 Dylai'r pellter a hawlir mewn milltiroedd fod y siwrnai resymol fyrraf o'r man ymadael i'r man lle mae'r ddyletswydd yn cael ei chyflawni, ac yn yr un modd o'r pwynt dyletswydd i'r man dychwelyd.
- 10.5 Mae cyfraddau Lwfansau Teithio a Chynhaliaeth yr Aelodau wedi'u nodi yn **Atodlen 3** ac maent yn destun adolygiad blynyddol gan Banel Annibynnol Cymru ar Gydabyddiaeth Ariannol.
- 10.6 Pan fo Aelod yn cael ei wahardd neu ei wahardd yn rhannol o'i gyfrifoldebau neu ddyletswyddau fel Aelod o'r Awdurdod yn unol â Rhan III o Ddeddf Llywodraeth Leol 2000 (Ymddygiad Aelodau), neu reoliadau a wneir o dan y Ddeddf, rhaid i unrhyw lwfansau teithio a chynhaliaeth sy'n cael eu talu iddo yn y cyfnod y mae wedi'i wahardd neu ei wahardd yn rhannol gael eu tynnu gan yr Awdurdod (Adran 155 (1) o'r Mesur).

## **11. Teithio mewn Cerbyd Preifat**

- 11.1 Mae Panel Annibynnol Cymru ar Gydabyddiaeth Ariannol wedi penderfynu y dylai uchafswm y cyfraddau teithio sy'n cael eu talu gael eu penderfynu gan Cyllid a Thollau Ei Mawrhydi am ddefnydd preifat o geir, beiciau modur a beiciau pedal ac unrhyw dâl atodol o ran teithwyr.
- 11.2 Mae'r cyfraddau y filltir yn achos cerbydau preifat a benderfynir gan Banel Annibynnol Cymru ar Gydabyddiaeth Ariannol wedi'u nodi yn **Atodlen 3**.
- 11.3 Pan fo Aelod yn defnyddio'i gerbyd preifat at ddiben dyletswyddau cymeradwyedig, rhaid i'r cerbyd gael ei yswirio am ddefnydd busnes. Rhaid darparu tystiolaeth o'r yswiriant i'r Awdurdod ar gais.

## **12. Teithio ar Drafnidiaeth Gyhoeddus**

### **12.1 Teithio ar Drên/Coets**

Oni bai eu bod nhw wedi cael eu hawdurdodi fel arall, bydd tocynnau trên yn yr ail ddsbarth.

Bydd Gwasanaethau Democrataidd yn prynu tocynnau trên a choets angenrheidiol ar ran Aelodau cyn y daith. Mewn amgylchiadau annhebygol pan fo angen i Aelod brynu tocyn yn uniongyrchol, caiff y taliad ei ad-dalu ar ôl cyflwyno'r tocyn a ddefnyddir a/neu dderbynneb.

## 12.2 **Costau Tacsï**

Bydd costau tacsï yn cael eu had-dalu pan fydd eu defnydd wedi cael ei awdurdodi mewn argyfwng, lle nad yw trafndiaeth gyhoeddus ar gael yn rhesymol, neu os oes gan Aelod angen personol penodol. Bydd ad-daliadau'n cael eu talu wrth weld derbynneb yn unig.

## 12.3 **Costau Awyr (opsiynol)**

Mae teithio mewn awyren yn ganiataol os dyna'r ffordd fwyaf cost-efeithiol o deithio. Rhaid i'r Prif Weithredwr awdurdodi'r peth a bydd tocynnau'n cael eu prynu gan Wasanaethau Democrataidd

## 12.4 **Teithio Tramor**

Bydd teithio tramor ar fusnes yr Awdurdod yn cael ei ganiatáu os yw'r Prif Weithredwr wedi'i awdurdodi. Bydd Gwasanaethau Democrataidd yn trefnu trafndiaeth a llety.

## 12.5 **Costau Teithio Eraill**

Mae gan Aelodau'r hawl i gael ad-daliad o ran ffioedd tollau, parcio, cadw car mewn garej dros nos a chostau angenrheidiol eraill sy'n ymwneud â'r daith. Bydd ad-daliadau'n cael eu talu wrth weld derbynneb yn unig.

## 13. **Llety Dros Nos**

13.1 Bydd aros dros nos yn cael ei ganiatáu pan fo busnes yr Awdurdod yn ymestyn dros ddau ddiwrnod neu fwy, neu os yw'r lleoliad mor bell i ffwrdd nad yw teithio'n gynnar yn y bore neu'n hwyr yn y nos yn rhesymol. Rhaid i bob arhosiad dros nos gael awdurdod ymlaen llaw gan Bennaeth y Gwasanaethau Democrataidd.

13.2 Bydd llety dros nos yn cael ei archebu gan Wasanaethau Democrataidd. Lle bo'n bosib, bydd y llety dros nos yn cael ei dalu ymlaen llaw neu drwy anfoneb.

13.3 Gall Aelod archebu llety dros nos yn uniongyrchol mewn argyfwng yn unig. Bydd yr ad-daliad yn cael ei wneud wrth ddangos derbynneb ac ar lefel a ystyrir yn rhesymol ac nid yn uwch na'r cyfraddau a nodir yn **Atodlen 3**.

## 14 **Lwfans Cynhaliaeth**

14.1 Nodir y gyfradd gynhaliaeth ddyddiol i dalu costau prydau bwyd a lluniaeth mewn cysylltiad â dyletswyddau cymeradwyedig (gan gynnwys brecwast pan nad yw'n cael ei ddarparu fel rhan o lety dros nos) yn **Atodlen 3**. Mae uchafswm y gyfradd ddyddiol yn cynnwys cyfnod o 24 awr a gellir ei hawlio am unrhyw fwyd sy'n berthnasol os bydd hawliad o'r fath yn cael ei gefnogi gan dderbynebau.

14.2 Ni wneir darpariaeth ar gyfer hawliadau cynhaliaeth o fewn y Fwrdeistref Sirol.

## 15. **Hawliadau a Thaliadau**

15.1 Rhaid gwneud cais am lwfansau teithio a chynhaliaeth yn ysgrifenedig o fewn dau fis o ddiwedd y mis calendr y mae hawl i lwfansau yn codi ynddo a rhaid iddynt ddod â'r derbynebau perthnasol.

15.2 Bydd lwfansau'n cael eu talu gan Reolwr y Gyflogres drwy gredyd banc uniongyrchol.

## **16. Pensiynau**

- 16.1 Bydd yr Awdurdod yn galluogi ei Aelodau sy'n gymwys i ymuno â Chynllun Pensiwn Llywodraeth Leol.

## **17 Cefnogi gwaith Aelodau'r Awdurdod**

- 17.1 Mae Panel Annibynnol Cymru ar Gydnabyddiaeth Ariannol yn disgwyl i Aelodau gael eu darparu â chefnogaeth ddigonol i gyflawni eu dyletswyddau a dylai'r gefnogaeth ystyried anghenion penodol yr Aelodau unigol. Gofynnir i Bwyllgor Gwasanaethau Democrataidd yr Awdurdod adolygu lefel y gefnogaeth sy'n cael ei darparu i Aelodau a dylid mynd â cheisiadau am gefnogaeth resymol i'r cyngor llawn.
- 17.2 Dylai pob Aelod etholedig ac Aelod Cyfetholedig gael eu darparu â chyfleusterau ffôn, e-bost a'r we i roi mynediad electronig at wybodaeth briodol.
- 17.3 Dylai cymorth o'r fath fod heb unrhyw gost i unrhyw Aelod. Ni ddylid gwneud didyniadau o gyflogau Aelodau fel cyfraniad tuag at gost y cymorth y mae'r Awdurdod wedi'i benderfynu yn angenrheidiol er mwyn effeithiolrwydd ac effeithlonrwydd yr Aelodau.

## **18 Cydymffurfiaeth**

- 18.1 Yn unol â'r Rheoliadau, rhaid i'r Awdurdod gydymffurfio â gofynion Panel Annibynnol Cymru ar Gydnabyddiaeth Ariannol mewn perthynas â monitro a chyhoeddi taliadau a wneir i'r Aelodau a'r Aelodau Cyfetholedig fel y nodir yn **Atodlen 4**.

Atgoffir Aelodau ac Aelodau Cyfetholedig fod hawliadau am gostau yn ddarostyngedig i archwiliad mewnol ac allanol.

**ATODLEN 1**

**ATODLEN TALIADAU CYDNABYDDIAETH 2020-2021**

	<b>AELODAU Â HAWL I GAEL CYFLOG SYLFAENOL</b>	<b>SWM BLYNYDDOL Y CYFLOG SYLFAENOL</b>
	Yr aelodau etholedig o'r awdurdod canlynol	
1	Elizabeth Aldworth	£14,218
2	Alan Angel	£14,218
3	John Bevan	£14,218
4	Phillip Bevan	£14,218
5	Carmen Bezzina	£14,218*
6	Alan Collis	£14,218
7	Shayne Cook	£14,218
8	Donna Cushing	£14,218
9	Wynne David	£14,218
10	Mike Davies	£14,218
11	Kevin Dawson	£14,218
12	Nigel Dix	£14,218
13	Colin Elsbury	£14,218*
14	Kevin Etheridge	£14,218
15	Mark Evans	£14,218
16	Andrew Farina-Childs	£14,218
17	Christine Forehead	£14,218

18	Elaine Forehead	£14,218
19	James Fussell	£14,218
20	Ann Gair	£14,218
21	June Gale	£14,218
22	Rob Gough	£14,218
23	David Hardacre	£14,218
24	Lindsey Harding	£14,218
25	David Harse	£14,218
26	Derek Havard	£14,218
27	Alan Higgs	£14,218
28	Adrian Hussey	£14,218
29	Martyn James	£14,218
30	Vincent James	£14,218
31	Leeroy Jeremiah	£14,218
32	Gary Johnston	£14,218
33	Stephen Kent	£14,218
34	Gez Kirby	£14,218*
35	Arianna Leonard	£14,218
36	Philippa Leonard	£14,218
37	Brenda Miles	£14,218
38	Gaynor Oliver	£14,218
39	Robert Owen	£14,218
40	David Poole	£14,218



41	Dianne Price	£14,218
42	John Roberts	£14,218
43	Roy Saralis	£14,218
44	Jon Scriven	£14,218
45	Graham Simmonds	£14,218
46	Steve Skivens	£14,218
47	John Taylor	£14,218
48	Carl Thomas	£14,218
49	Andrew Whitcombe	£14,218
50	Ross Whiting	£14,218
51	Lindsay Whittle	£14,218
52	Tom Williams	£14,218
53	Walter Williams	£14,218
54	Ben Zaplatynski	£14,218

Mae'r Cynghorwyr gyda \* wedi hepgor y cynnydd mewn cyflog ar gyfer 2020/21 ac mae hyn wedi parhau ar gyfer codiadau blaenorol.

	<b>HAWLIAU UWCH GYFLOGAU (gan gynnwys cyflog sylfaenol)</b>		<b>SWM BLYNYDDOL YR UWCH GYFLOG</b>
	<b>RÔL</b>	<b>AELOD</b>	
1.	Arweinydd y Cyngor	David Poole	£49,450
2.	Dirprwy Arweinydd ac Aelod Cabinet dros Adfywio, Trafnidiaeth a Chynladwyedd	Sean Morgan	£32,700
3.	Dirprwy Arweinydd ac Aelod Cabinet dros Addysg a Chyflawniad	Barbara Jones	£32,700
4.	Aelod Cabinet dros Wasanaethau Corfforaethol	Colin Gordon	£30,450
5.	Aelod Cabinet dros Gyllid, Perfformiad a Chynllunio	Eluned Stenner	£30,450
6.	Aelod Cabinet dros Wasanaethau Cymdeithasol a Lles	Carl Cuss	£30,450

<b>HAWLIAU UWCH GYFLOGAU (gan gynnwys cyflog sylfaenol)</b>			<b>SWM BLYNYDDOL YR UWCH GYFLOG</b>
	<b>RÔL</b>	<b>AELOD</b>	
7.	Aelod Cabinet dros yr Amgylchedd a Gwasanaethau'r Gymdogaeth	Nigel George	£30,450
8.	Aelod Cabinet dros Gartrefi, Lleoedd a Thwristiaeth	Lisa Phipps	£30,450
9.	Swydd wag Aelod Cabinet		
10.	Cadeirydd y Pwyllgor Craffu Polisi ac Adnoddau/Partneriaethau	James Pritchard	£22,918
11.	Cadeirydd y Pwyllgor Craffu yr Amgylchedd a Chynaliadwyedd	Tudor Davies	£22,918
12.	Cadeirydd y Pwyllgor Craffu Addysg	Teresa Parry	£22,918
13.	Cadeirydd y Pwyllgor Craffu Gwasanaethau Cymdeithasol	Lyndon Binding	£22,918
14.	Cadeirydd y Pwyllgor Trwyddedu	Denver Preece	£22,918
15.	Cadeirydd y Pwyllgor Archwilio	Margaret Sargent	£22,918
16.	Cadeirydd y Pwyllgor Cynllunio	Michael Adams	£22,918
17.	Arweinydd y Grŵp Gwrthwynebwyr Mwyaf	Colin Mann	£22,918
18.	Cadeirydd y Pwyllgor Craffu Tai ac Adfywio	John Ridgewell	£22,918

Gellir talu uchafswm o [18] o uwch gyflogau i Gyngor Bwrdeistref Sirol Caerffili ac ni ddaeth y tu hwnt i hyn.

<b>HAWL I GYFLOGAU SIFIL</b>		<b>SWM BLYNYDDOL Y CYFLOG SIFIL</b>
<b>RÔL</b>	<b>AELOD</b>	
Pennaeth Dinesig (Maer/Cadeirydd)	Julian Simmonds	£22,918
Dirprwy Bennaeth Dinesig (Dirprwy Faer/Gadeirydd)	Carol Andrews	£17,918

<b>HAWL AELODAU CYFETHOLEDIG STATUDOL</b>		<b>SWM LWFANSAU AELODAU CYFETHOLEDIG</b>
<b>RÔL</b>	<b>AELOD</b>	
Cadeirydd y Pwyllgor Safonau	Mr D Lewis	Ffi Ddyddiol £256 Ffi Hanner Dydd £128
Cynrychiolydd Rhiant-Lywodraethwr, Pwyllgor Craffu Addysg	Mr M. Barry	Ffi Ddyddiol £198 Ffi Hanner Dydd £99
Cynrychiolydd Rhiant-Lywodraethwr, Pwyllgor Craffu Addysg	Mr R. Morgan (tan 31.7.20)	Ffi Ddyddiol £198 Ffi Hanner Dydd £99

<b>HAWL AELODAU CYFETHOLEDIG STATUDOL</b>		<b>SWM LWFANSAU AELODAU CYFETHOLEDIG</b>
<b>RÔL</b>	<b>AELOD</b>	
Cynrychiolydd Eglwys, Pwyllgor Craffu Addysg	Mr M. Western (tan 31.7.20)	Ffi Ddyddiol £198 Ffi Hanner Dydd £99
Aelod Cyfetholedig, Pwyllgor Safonau	Mr P. Brunt	£198 – Diwrnod Llawn neu £99 am Hanner Diwrnod (hyd at 4 awr)
Aelod Cyfetholedig, Pwyllgor Safonau	Cynghorydd Cymuned Mrs G Davies	£198 – Diwrnod Llawn neu £99 am Hanner Diwrnod (hyd at 4 awr)
Aelod Cyfetholedig, Pwyllgor Safonau	Mr J Card	£198 – Diwrnod Llawn neu £99 am Hanner Diwrnod (hyd at 4 awr)
Aelod Cyfetholedig, Pwyllgor Safonau	Mrs L Davies	£198 – Diwrnod Llawn neu £99 am Hanner Diwrnod (hyd at 4 awr)
Aelod Cyfetholedig, Pwyllgor Safonau	Mr C Finn	£198 – Diwrnod Llawn neu £99 am Hanner Diwrnod (hyd at 4 awr)
Is-Gadeirydd, Pwyllgor Archwilio	Mr N. Yates	£198 – Diwrnod Llawn neu £99 am Hanner Diwrnod (hyd at 4 awr)

<b>Ad-daliad costau gofal</b>	
Holl Aelodau	Hyd at fwyafrif o £403 y mis

<b>Cymorth i Aelodau - beth sydd ar gael ynghylch ffôn, y we neu e-byst (gweler Penderfyniad 6)</b>	
Cymorth Ffôn ar gyfer Aelodau Gweithredol	Ffonau symudol
Cymorth Ffôn ar gyfer Cadeiryddion Pwyllgorau	dim

Cymorth Ffôn ar gyfer Aelodau eraill	Cynigir ffôn symudol i Arweinwyr Grŵp y Gwrthbleidiau
Mynediad at Ebyst ar gyfer Aelodau Gweithredol	Cartref a Swyddfa
Mynediad at Ebyst ar gyfer Cadeiryddion Pwyllgorau	Cartref a Swyddfa
Mynediad at Ebyst ar gyfer Aelodau eraill	Cartref a Swyddfa
Cymorth y We ar gyfer Aelodau Gweithredol	Cartref a Swyddfa
Cymorth y We ar gyfer Gadeiryddion Pwyllgorau	Cartref a Swyddfa
Cymorth y We ar gyfer Aelodau eraill	Cartref a Swyddfa

**NODER:** Cynigir llinellau band eang cartref i'r holl Gynghorwyr neu byddant yn cael allwedd ddiogel i'w galluogi i gael mynediad i'w E-bost drwy WiFi os dymunant.

## ATODLEN 2

**Dyletswyddau sydd wedi'u cymeradwyo:** -

- mynychu cyfarfod o'r Awdurdod neu unrhyw bwyllgor yr Awdurdod neu unrhyw gorff y mae'r Awdurdod yn gwneud penodiadau neu enwebiadau iddo, neu unrhyw bwyllgor o gorff tebyg;
- mynychu cyfarfod o unrhyw gymdeithas o awdurdodau y mae'r Awdurdod yn aelod ohonynt;
- mynychu unrhyw gyfarfod arall a awdurdodir gan yr Awdurdod neu gan bwyllgor o'r Awdurdod neu gan gydbwyllgor yr Awdurdod ac un neu ragor o Awdurdodau eraill;
- dyletswydd a gyflawnir at ddibenion neu mewn cysylltiad â chyflawni swyddogaethau'r Cabinet;
- dyletswydd a gyflawnir yn unol â gorchymyn sefydlog sy'n ei gwneud yn ofynnol i Aelod neu Aelodau fod yn bresennol pan agorir dogfennau tendro;
- dyletswydd a gyflawnir mewn cysylltiad â chyflawni unrhyw swyddogaeth o'r Awdurdod sy'n rhoi grym i'r Awdurdod arolygu neu awdurdodi archwiliad o fangre;
- mynychu unrhyw hyfforddiant neu ddigwyddiad datblygiadol sydd wedi'i gymeradwyo gan yr Awdurdod neu ei Gabinet;
- y dyletswyddau canlynol sydd wedi'u cymeradwyo gan y Cyngor:

**NODER:** Mae'r Cyngor wedi penderfynu peidio ag ystyried ceisiadau am deithio o fewn Wardiau'r Aelodau.

## ATODLEN 3

### **Cyfraddau Milltiroedd**

Pob maint cerbyd modur preifat Hyd at 10,000 o filltiroedd Dros 10,000 o filltiroedd	45 ceiniog y filltir 25 ceiniog y filltir
--	--

Beiciau Modur Preifat Beiciau Pedal	24 ceiniog y filltir 20 ceiniog y filltir
Gyda theithiwr	05 ceiniog y filltir

### **Lwfans Cynhaliaeth**

Mae'r gyfradd gynhaliaeth ddyddiol hyd at uchafswm o £28 ac mae'n cynnwys cyfnod o 24 awr a gellir ei hawlio am unrhyw fwyd os yw'n berthnasol os bydd hawliad o'r fath yn cael ei gefnogi gan dderbynebau.

Ni chaniateir ad-dalu diodydd alcoholaidd.

### **Aros dros nos**

Y lwfansau uchaf am aros dros nos yw £200 yn Llundain a £95 rywle arall. Mae uchafswm o £30 ar gael i aros dros nos gyda ffrindiau neu berthnasau tra ar ddyletswydd gymeradwy.

## **ATODLEN 4**

### **Cydymffurfiaeth**

- Bydd yr Awdurdod yn trefnu cyhoeddi'r cyfanswm a dalwyd i bob Aelod ac Aelod Cyfetholedig ar wefan y cyngor, ynghylch cyflog, lwfansau, ffioedd ac ad-daliadau erbyn 30 Medi yn dilyn diwedd y flwyddyn y mae'n cyfeirio ati. Er budd tryloywder, bydd hyn yn cynnwys taliadau cydnabyddiaeth gan yr holl apwyntiadau gwasanaethau cyhoeddus a gynhelir gan Aelodau etholedig.
- Bydd yr Awdurdod yn cyhoeddi datganiad o gyfrifoldebau sylfaenol cynghorydd a swydd ddisgrifiadau deiliaid swyddi uwch gyflogau ar wefan y cyngor, sy'n cydnabod y dyletswyddau disgwyledig yn glir.
- Bydd yr Awdurdod yn cyhoeddi atodlen flynyddol o ran Taliadau Cydnabyddiaeth Aelodau erbyn 31 Gorffennaf y flwyddyn y mae'r atodlen yn cyfeirio ati ar wefan y cyngor.
- Bydd yr Awdurdod yn anfon copi o'r atodlen at Banel Annibynnol Cymru ar Gydnabyddiaeth Ariannol erbyn 31 Gorffennaf y flwyddyn y mae'r atodlen yn cyfeirio ati.
- Bydd yr Awdurdod yn cadw cofnodion o bresenoldeb Aelodau/Aelodau Cyfetholedig mewn cyfarfodydd y cyngor, cabinet a phwyllgorau a dyletswyddau eraill sydd wedi'u cymeradwyo y mae Aelod/Aelod Cyfetholedig yn cyflwyno cais am ad-daliad amdanynt.
- Bydd yr Awdurdod yn trefnu i adroddiadau blynyddol a baratowyd gan Aelodau i fynd ar wefan y cyngor.
- Pan fydd yr Awdurdod yn cytuno i dalu dirprwy oherwydd absenoldeb teuluol, bydd yr Awdurdod yn hysbysu Panel Annibynnol Cymru ar Gydnabyddiaeth Ariannol o fewn 14 diwrnod o ddyddiad y penderfyniad o ran y manylion gan gynnwys y swydd dan sylw a chyfnod y dirprwyad.